

Malgra? defioj, KEA plu iros anta?en



Foto: Grupa foto dum la aprila sesio de KERo kaj Komitata Kunsido

La 16-an de junio de la jaro 1979, post kelkaj fruaj klopodoj, naski?is la nuna Kuba Esperanto-Asocio. Pri ?i ni devas diri ke ekde 1979 la asocio da?re kunordigis laborojn kun diversaj instancoj de la kulturo kaj edukado nialande.

?i sukcesis dum 46 jaroj ne nur instrui la lingvon, informi pri ?i kaj kunordigi komunuman vivon, sed anka? okazigi du universalajn kongresojn, anka? de junuloj, infanoj kaj insturistoj, du tutamerikajn kongresojn, landajn kongresojn kaj festivalojn, inter aliaj.

Diversaj libroj de la kuba literaturo eldonitaj en Esperanto kaj tiu ?i radioelsendoj de Radio Havano Kubo, anka? estas fruktoj de la asocia agado. Post la pandemia situacio, kiu bremsis la laboron, oni iom post iom reprenis la asocian vivon kaj ?eestajn renkonti?ojn lokajn, krom diversajn kursojn.

Malgra? manko de monrimedoj por organizi tutlandan kongreson dum tiuj ?i lastaj jaroj pro la enlanda situacio, ni ne pretervidas la ?ancon memorigi la 46-an jubileon.

La nuna jaro komenci?is per tradiciaj renkonti?oj kaj la okazigo pasintaprile de nia nacia komitata kunsido kaj la tutlanda renkonti?o KER-o, kiu anka? havis financon subtenon de UEA.

Tamen, en la da?ro de la du postaj monatoj, nia landa movado suferis fortajn batojn pro forpaso de du elstaraj esperantistoj, unue, la historiisto de KEA Juan Ramón Rodríguez, kaj estrarano, membro-fondinto Alberto Rodríguez, direktoro de nia Nacia Sidejo, kolono de la movado. Amba? konsistigis gravajn pilierojn de nia landa asocio en siaj respektivaj fakoj.

Memore al ili ni devas plu iri anta?en, reorganizi?i kaj plenumi niajn celojn da?re porti la tor?on de esperanto en Kubo. Okazigi diverstipajn kursojn, plu flegi nian membraron, partopreni la socian vivon nialande, realigi la planitajn eventojn por la dua semestro de tiu ?i jaro.

Tiucele ni prepari?as por gastigi rusan profesorinon, kiu okazigos specialan kurson por progresantoj kun ampleksa temaro kultura kaj gramatika. Tiucele ni invitas nian membraron partopreni tiun specialan eventon en la semajno de la 23-a ?is la 27-a de junio en la nacia sidejo de KEA.

Kiel kutime, KEA da?re invitas ?iujn kubajn geesperantistojn profiti la fondo-datrevenon de nia landa asocio por da?re studi, legi kaj labori por disvastigi Esperanton kaj allogi novajn membrojn kaj rekuperi iamajn membrojn.

En la jaro de nia 46-a fondodatreveno, niaj celoj unuigi homojn kaj fortigi solidarecon sendiskriminacian, devas esti da?re defendataj.

Per niaj individuaj kaj grupaj iniciatoj kaj uzo de la lingvo, ni kontribuu al pluvivigo de la Internacia Lingvo en Kubo kaj monde.

Indas anka? memori tiujn, kiuj pionire eklernis kaj disvastigis la lingvon jam en la pasinta jarcento.

Anka? indas diskonigi la meritplenan propagandan laboron faritan de la elstara intelektulo d-ro Fernando Ortiz, internacie renoma pro siaj studoj sociologiaj, juraj, antropologiaj kaj folkloraj. Li restas ?is nun la plej elstara kuba intelektulo, kiu propagandis favore al la solvo de la tutmonda lingva problemo pere de Esperanto.

En la jaro 46-a de Kuba Esperanto-Asocio ?ia celaro da?re validas por kontribui al lingva interkompreni?o interhoma. Gratulojn al KEA kaj al la kuba esperantistaro.

<https://www.radiohc.cu/eo/especiales/exclusivas/385138-malgrau-defioj-kea-plu-iros-antauen>



Radio Habana Cuba